



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1514. usque ad annum 1520

**Fleury, Claude**

**August. Vind. [u.a.], 1769**

**VD18 90118464**

Anno Christi MDXXXII.

---

[urn:nbn:de:hbz:466:1-66414](https://nbn-resolving.org/urn:nbn:de:hbz:466:1-66414)

*Anno Christi MDXXXII.*

Abbas S. Galli a quinque Cantonis integraliter ad suum Monasterium, & ad omnia bona monasterii restitutus est, & subditi sui in Valle Rhenana, vulgo *Rheinthal*, & in *Turgon*, atque in Comitatu *Zoschenburg*, *Korschach*, & oppidum *Weil* Abbati de novo juramentum fidelitatis, & subjectionis præstiterunt. Abbas cum Senatu oppidi S. Galli longam controversiam habuit, Turegienses enim vendiderant Monasterium S. Galli civibus & Senatui ejusdem oppidi S. Galli pro 27000. fl. qui cedere volebant. Sed tandem ab injusta emptione cedere jussi sunt a quinque Cantonis. Intravit itaque Abbas in suum Monasterium, atque urbem S. Galli FERIA sexta ante *Dominicam Oculi*. Deinde Sabbati die Ecclesiam suam a spurcitiis mundavit. *Dominica Oculi* Abbas in suo cænobio Missam celebravit. Pro damno illato, ob destructionem in Ecclesia Altarium, Sedilium, Dormitorii, & Officinarum, ac rerum domesticarum utensilium, ablatarum, Abbas in satisfactionem & recompensam postulavit a Senatu, & incolis oppidi S. Galli 80000. fl. Mediatores autem partium ambarum per amicabilem contractum Abbatem inducere, quod pro damnis illatis 10000. flor. accepit.

Sena-

Senatus Augustensis per aliquos destinatos Senatores Priorem & Conventum Mon. Prædicatorum accessit, ubi solummodo tres Conventuales erant, qui voluerunt per inventarium conscribere utensilia domus, clinodia, & calices, una cum ornatibus Sacristiæ, & alia omnia quæque, quæ ipsi habebant, & sublevabant in redditibus, & censibus. Et exinde intendebat Senatus mobilia sub suis clavibus conservare. Quod Prior & Conventus recusavit; sicque causa illa sub indignatione quievit. Fr. Simpertus Taxter Augustensis filius Scabini honesti viri, Conventualis magnum Zelum, & Constantiam in hac re pro conservatione sui Monasterii ostendit. Quare & contumeliam reportavit.

Augustæ in die Parasceves campanæ pulsatæ fuerunt apud S. Mauritium, & S. Annam contra consuetudinem Ecclesiæ ad Lutheranorum prædicationem.

Augustæ ex sæce Lutherana & Zwingliana emerfit magna Societas Sodomitarum. Inter quos principalis civis locuples, Sigismundus Welsler (qui pulchram uxorem habuit) extitit. Is in Sodomiticum actum carpentarium unum ex Oberhausen habuit, qui ambo accusati cum aliis multis Turegum, & ad alia loca aufugerunt. Ille Sigismundus Welsler antea Lutherana sæce taliter infectus fuit, quod nocte in Ecclesia Minorum

rum Altare & Crucifixum destruxit, prout Superius in suo loco annotavi.

Augustæ Feria sexta post Festum Paschæ capti fuerunt duo Sodomitæ, Bernardus Opfer, & unus fricator: qui Sabbato post Bonifacii decollati sunt, & postea per ignem in cineres redacti,

Augustæ quoque captus fuit propter peccatum sodomiticum Scholasticus S. Georgii; qui propter magnas preces vita donatus fuit: sed super ipsum in educatione de carcere campana vulgo *Sturinglogg* pulsata fuit, ac postea ei sinistra manus abscissa.

Augustæ Feria secunda Rogationum Processione finita D. Christophorus Schmid de Zusmarhausen oriundus Viceplebanus Ecclesiæ S. Mauritii a Senatu captus est. Qui & eadem die bis dure tortus, in libra suspensus requisitus fuit, an si etiam peccatum sodomiticum commisisset, prout ab aliis in tortura de ipso adductum fuit. Is negavit se peccatum sodomiticum commisisse, sed confessus est, se nunquam horas Canonicas orando persolvisse; & ante celebrationem Missæ vinum sublimatum bibisse, atque farcinulas comedisse. Altera die Senatus Augustensis Sacerdotem illum carro imponi fecit, ferreis catenis ligatum, cum novem equitibus Episcopo captivum ad Dillingam transmisit. Episcopus quoque Sacerdotem

dotem illum pœnaliter de suis excessibus interrogavit. Demum precum instantia a patre illius Sacerdotis, fratrum, amicorum, & fautorum porrecta, post Festum S. Joannis Baptistæ a Carcere libere dimissus est tali sub conditione: quod ultra omnibus diebus vitæ suæ diœcesim Augustensem non intret, & in spatio sex annorum Altare non accedat ad Missam celebrandam. Et in hac re pro majori cautela, pater ipse se obligavit, fideique jussorem seipsum pro filio constituit.

Eodem tempore ex civitate Laugingen educti fuerunt 20. viri & mulieres nunquam reversuri propter Lutheranam fæcem.

Carolus Imperator diætam Ratisponæ ad Festa Paschalia omnibus Statibus R. I. indixit: deinde cum Fratre Rege Ferdinando, Palatinis, & nonnullis aliis Principibus Ratisponam intravit; & Feria quarta post *Misericordia Domini* Ratisponensis diæta cum prima Sessione incæpta est. Zwinglianæ civitates in illa diæta non comparuerunt. Lutherani Principes interim quo diæta Ratisponæ est habita, non comparere personaliter, sed per Oratores, & non cum plenaria facultate suorum Principum, contra edictum Cæsaris, ut missi Oratores Principum atque civitatum plena potestate fungerentur, sine relatione & requisitione.

tione. Qua ex re Cæsar omnibus advenientibus, & abeuntibus ad diætam illam saluum conductum promisit usque ad lares proprios. Oratores vero talium comparuerunt, non ut potestate, a quibus directi fuerant, Officio fungerentur, sed & plus magis, ut adverterent, quæ ibidem ventilerentur. Quæ cum Cæsar cum Rege, & aliis certis Principibus conspiceret, cautius egerunt, ita, quod nullus illorum intentum explorare potuit, etiam intimi a Secretis Consiliarii.

Qua ex re Lutherani Principes cum 60. Civitatibus Imperialibus diæta Ratisponensi durante, in *Schweinfurt* convenerunt, & ibidem usque ad Festum S. Georgii permanserunt. Ad quos Carolus Imperator destinavit Illustrissimos Principes Electores Albertum Archiepiscopum Moguntinensem, & Ludovicum C. P. una cum Fratre Frederico, & nonnullis aliis Principibus, qui nomine S. M. cum ipsis agerent, ut in suam gratiam, atque ad unitatem Ecclesiæ redirent; quid autem ibidem actum aut conclusum sit, ad aures vulgi non pervenit. Sicque illa Conventio in *Schweinfurt* soluta est.

Anno